

TARIKH	29 / 04 / 2016	SEKSYEN	Mega / Agama
MUKA SURAT	8	RUANGAN	

Lima rukun umrah

- Niat
- Tawaf
- Sa'ie
- Bercukur atau bergunting rambut
- Tertib

Perkara-perkara wajib dalam umrah

- Niat ihram di Miqat
- Meninggalkan perkara-perkara larangan dalam masa ihram
- Dalam melaksanakan ibadat umrah, ia sama seperti ibadat haji kecuali tiada wukuf di Arafah, bermalam di Muzdalifah dan Mina serta melontar jamrah.

Pantang larang dalam ihram Umrah

Secara umumnya boleh dibahagikan kepada tiga kategori:

Larangan dikhususkan bagi lelaki sahaja

- Memakai pakaian bersaring / berjahit / bercantum seperti seluar, baju kemeja, stokin, kasut yang menutup jari-jari kaki dan tumit, kain pelikat dan sebagainya.
- Menutup kepala atau sebahagian daripadanya seperti dengan songkok, kopiah, serban, kain hitam dan sebagainya.

Larangan dikhususkan bagi wanita sahaja

- Menutup muka

Larangan Umum (Lelaki dan Wanita)

- Memakai sarung tangan.
- Memakai bau-bauan sama ada di badan, makanan, minuman atau menghidunya ke dalam hidung.
- Memakai minyak di kepala, janggut dan semua bulu muka selain daripada yang tumbuh di pipi dan dahi.
- Menanggalkan rambut atau bulu daripada mana-mana anggota badan.
- Mengerat atau memotong kuku.
- Memotong/menebang/mengerat/mencabut pokok-pokok di Tanah Haram Mekah.
- Memburu binatang buruan darat yang halal dimakan atau membinasakannya di Tanah Halal atau Haram.
- Melakukan pendahuluan persetubuhan.
- Bersetubuh.
- Berkahwin atau mengahwinkan atau menerima wakil kahwin.

Ibadah umrah

Manifestasi ketaatan seorang hamba kepada Allah



PELAKSANAAN umrah merupakan manifestasi ketaatan seorang hamba dalam usaha mendekatkan diri kepada Allah SWT. - GAMBAR HIASAN



TABUNG HAJI
حجى على الراح

UMRAH merupakan antara ibadah yang disyariatkan Allah SWT kepada setiap hambanya. Pelaksananya adalah manifestasi ketaatan seorang hamba dalam usaha mendekatkan diri kepada-Nya.

Ia berasal daripada perkataan Arab *t'amarah* yang bererti ziarah atau berkunjung. Menurut istilah syaria ia merujuk kepada perbuatan mengunjungi Baitullah (Kaabah) untuk mengerjakan ibadat umrah dengan niat dan syarat-syarat yang tertentu.

Menurut mazhab Syafie, hukum mengerjakan umrah adalah wajib dan

bicara haji

Oleh DATUK RAZALI SHAHABUDDIN
Jabatan Kemajuan Islam Malaysia (hjr@islam.gov.my)



ia hendaklah dikerjakan oleh setiap orang Islam sekali seumur hidup. Ini berdasarkan firman Allah SWT: "Dan sempurnakanlah ibadat haji dan umrah kerana Allah," - Surah al-Baqarah:196.

Dalam ayat ini, suruhan mengerjakan haji itu disekalikan dengan suruhan mengerjakan umrah, iaitu diperintahkan mengerjakan haji dan umrah hingga sempurna. Dengan itu, suruhan mengerjakan umrah itu samalah hukumnya dengan menunaikan haji, iaitu wajib bagi setiap orang Islam.

Sementara itu dalam hadis, "Daripada Zaid bin Thabit r.a. katanya: Rasulullah SAW bersabda: "Mengerjakan haji dan umrah itu dua fardu cuma sekali sahaja dan bolehlah dikerjakan mana satu dahulu (sama ada haji ataupun umrah)."

Ibadat ini boleh dilakukan sepanjang tahun selain daripada masa seseorang itu berada dalam ihram haji sehingga dia selesai melakukan kerja-kerja haji tersebut.

Mengikut Mazhab Syafie, ibadat umrah boleh dilaksanakan pada bila-bila masa dalam kehidupan seorang Muslim. Seseorang itu tidak dikira berdosa jika menangguhkan kewajipan umrah apabila sudah cukup syarat kemampuan selama mana dia dapat melakukannya sebelum dia meninggal dunia.

Namun begitu, adalah afdal menyegerakan kewajipan umrah ini untuk melepaskan tanggungan kewajipan ini atas diri seseorang Muslim.

BICARA HAJI 2016

KUIZ BERSIRI

16 Pakej percutian bersama TH Hotel & Residence Sdn. Bhd.

HADIAH UTAMA

TH HOTEL

3H2M di Kota Kinabalu, Kuala Terengganu, atau Alor Setar.

Soalan Siri 4

Berapakah rukun umrah?
JAWAPAN

Peserta perlu melengkapkan slogan:
"Saya suka membaca ruangan Bicara Haji yang disiarkan dalam Mega, Utusan Malaysia kerana..." (tidak lebih 200 perkataan)

Nama: _____
Alamat: _____
No. Kad Pengenalan: _____ Paskod: _____
No. Telefon: _____
Pekerja: _____

SYARAT-SYARAT PENYERTAAN

Berumur 18 tahun ke atas
Beragama Islam
Jawapan hendaklah dikumpulkan dari Siri 1 hingga Siri 15
Sekiranya ada jawapan yang sam, pemenang ditentukan melalui slogan terbaik dan kreativiti
Seriap penyertaan mestilah disertakan IS Masthead MEGA
Hanya penyertaan menggunakan borang rasmi kuitz yang disediakan dalam MEGA akan diterima
Keputusan pengadil adalah mutakhir. Sebarang rayuan tidak akan dilayan
Tarikh tutup penyertaan 31 JULAI 2016

Kesemua penyertaan hendaklah dihantar kepada:
KUIZ BERSIRI
BICARA HAJI 2016*
AGAMA, MEGA
UTUSAN MELAYU (M) BERHAD
NO.44, JALAN UTUSAN
OFF JALAN CHAI SOW LIN
52200, KUALA LUMPUR